

編號 1 號

【耐命个黃蜚】李淑娟原作

黃蜚使得講係世界項盡耐命个蟲，無論在仰脣个環境都使得生存。先生識講過：「人類出現在地球个三億年前，黃蜚个老祖公早都在這做實咧。」厥腳髀項硬佇佇个短毛當敏感，略略感受著毋慘勢¹黏時走到兩腳無貼地，一瞞目斯看無厥蟲影。莫看佢細細隻，該斯係係盡驚个生物哦！

冬下頭，有一日半夜，係本來蓋緊被在夢中同孫猴精學習長生不老，玄玄風試著有麼个東西對吾嘴角趟過去，略略癢癢！係伸手一撈，摸著一個硬硬滑滑个殼，隨擘開目珠清醒。阿姆哀啲！在吾个枕頭頂，一隻大黃蜚同係對相，嚇都係心寒膽顫，尿差一屑洩出來。「啊！」一聲，擲直蛤蟆脰喊都大嫲聲。

「恁夜咧蛇聲鬼噉，噉噉滾係仰脣？」阿姆跔緊開門入來。係一看著救星來咧，遽遽飄過去同厥肚尿搨纏纏，硬硬會噉出聲：「黃……黃蜚！有黃蜚！」

順核吾手指看過去，既經展出飛簷走壁大法黏在白壁頂个黃蜚，斯像一個著緊金暫暫个西裝，在該抹鬚搨派頭个老先生。阿

姆利利个眼箭射啊過去，手板當遽擲出拖鞋，「啪！」一聲，射去的準²！毋過大黃蜚乜毋輸入，閉開薄翼使出舞空術，像銃子个樣對緊吾等飛過來。

「啊！」係嚇去噉噉滾，遽遽飄上眠床，一下毋記得自家既經超磅个體重，盡命牯又在眠床枋項跳幾下。這下慘咧，毋知係眠床枋忒薄忒行貨³？抑係係忒肥忒大籬，噉噉一聲，眠床枋噉分係蹬必撇咧。

「眠床枋愛分你蹬塌咧，還毋遽遽落來……。」頭先八面威風个阿姆這下無心過戰，幹頭來關心吾這受災難民，拈起打過黃蜚个拖鞋出力擊吾个腳囊肚。嚇爛膽个係，一看著鞋底還穩穩黏核黃蜚个一皮薄翼，越致跳都半天高。「砰！」一聲，衰過个眠床枋正經分係蹬塌一大空，這下吾姆个面看跣來比黃蜚還較得人驚哦。

在阿姆个喝咄聲肚，返生个黃蜚手爬腳蹶，一下斯鑽入壁縫走命去咧。過後係蓋核阿姆燒暖个被骨緊恤：黃蜚精若係同孫猴比賽長生不老，毋知哪個會較厲害？

¹ 毋慘勢：音 mˋ camˋ shiˋ；勢頭、局面不對勁。

² 的準：音 dagˋ zhunˋ；非常準。

³ 行貨：音 hongˋ foˋ；做工及用料粗糙的物品。

編號 2 號

【野球】郭亭妤原作

電視報出臺灣隊拿著世界野球十二強冠軍，所有个球員暢去捕共下又笑又噉。這個冠軍，臺灣等有三十二年恁久咧。頒獎典禮放「中華奧會會歌」，去現場看比賽个臺灣球迷目汁濫汨跔緊大聲唱，看轉播个佢也感動去歸身雞嫫皮膨膨起。

恁起細漢个時，吾等莊項一陣細人伴當興野球，長在會湊緊去練習打野球。見知著哪時有野球比賽个轉播，斯會相招帶核矮凳頭，去阿量伯个雜貨店共下看轉播。大家做下看都當入文，心情也會跔核中華隊个打擊同防守起起落落。看著中華隊打出安打抑係全壘打，吾等會歡喜轟天，緊拓奶粉罐、咻毋會煞，毋過若係分別儕得分，大家又會著急著命唉無停。大家平常時打球無半撇，毋過到轉播看比賽个時，噯又變都像專業个球評，毋會輸自家當會个樣。

吾等打球个球棍，係同賣山杉樹个阿財伯討个；球係學校先生無愛个網球；手落係吾等用幾張舊報紙層共下摺出來个；球場係阿明牯厝屋脣个空地，過用幾垓磚角做壘包，斯素絲都耐毋得咧。有一擺，吾等當在打野球，烏狗阿旺看著吾等个球，噯開始

發肉雄，球傳到哪佢斯逐到哪，一下無注意，阿旺躍跔來呷著球，斯走落田肚去。吾等為著將唯一个球逐轉來，哪還會顧得著該係人辛苦耕个田，歸陣細人斯飄落田肚逐阿旺。

在上坵田做事个阿和伯，看著吾等歸陣蹴入田肚，大嫫聲哆人還逐緊過來：「壞細強、壞細強！田蹴壞了了，無人教示係無？」哪知無逐無恁死，阿旺看著大家逐來，噯越致暢、飄上飄落走分吾等逐。斯恁泥阿和伯逐吾等、吾等逐阿旺，將一個好好个田蹴去歪哥淒汨。該日轉夜了後，大家做下食著世大人準備个好料——「竹筍炒肉絲」，食去飽餵餵咧！

大漢了後，雖然大家四散各地過無共樣个生活，毋過轉莊下个時，還係會招共下泡茶坐寮，講起吾等該有歡喜、有快樂、有目汁、有笑聲个童年。該下个吾等雖然麼个都無，無錢買冰、無錢買嚙嗒、無錢買玩具，毋過吾等有盡單純个快樂，還有盡珍貴个童年。

編號 3 號

【博人惱个木棉樹】邱碧蓮原作

學校籃球場脣，種有兩排當大頭个木棉樹。逐年一到三、四月，木棉開花个季節，開都當鬧，歸樹頂紅啾啾當好看。企在樹下看，紅色个花襯核白雲，有影靚都分人安腦！錫都過路个人講：「哇！實在還靚！還浪漫哦！」毋過麼人知？這花靚係靚，乜已減衰人。靚个背後，其實係一場得人畏過分人頭那疾个惡夢。斯係人講个：賞花人毋知掃花人个艱苦！

寒天个九降風，咻咻滾吹都樹頂个葉搖啊搖，搖過斯嗒嗒跌，跌都歸籃球場淦淦个樹葉。負責掃籃球場个吾等，日日都掃去嘴嚙鼻翹，長在打早斯掃去歸身汗流脈落，像做麼个大頭路樣。這兜樹葉已減耍人，較掃都掃毋俐，見擺正掃好，一陣風吹來，原旦掃好个所在又係歸片个樹葉。籃球場鋪一層落葉，像係蓋被个樣。

春天來咧，天時較燒暖兜，木棉花斯開始大開，該像翼毛球火紅色个花蕾係另一種風情，實在講：安腦得。地泥項不時斯像鋪有一層貴貴个「花毯」，若係毋使掃，佢可能乜會欣賞厥等个靚！這一蕊一蕊跌落來个紅色翼毛球，帶來另一種麻煩，實在無

結煞。

續落來，花謝撇，跔核春天腳步漸漸行遠，絲樣个棉也開始隨風飄散，散去歸地泥。這兜白色个棉，又係另一種新个挑戰，厥等飄在空中，還會跔核風飄散滿哪係，吹到哪黏到哪，四向角頭、背角都有厥等个蹤跡。掃毋撇个棉，分過敏个人，總係擋目珠、總係哈啾噴天，實在當得人惱！半屑都感受毋著哪位浪漫？棉絲个季節過了又開始掃樹葉、掃落花、掃棉絲，年視年恁泥過。佢投外阿婆木棉樹恁得人惱，佢斯講：「新娘靚係靚，拉屎得人驚。花跌落來，蹴著狗食屎。」逐項事情有一好無兩好。

長年透天，木棉樹帶來無共樣个面貌。寒天个落葉，春天个落花，跔緊來个棉絲。所以在這木棉花季節肚，毋單淨欣賞厥个靚，也在這拚掃个過程中，學會耐心同堅持。逐擺拚掃，都係同自然共處个一種方式，雖然當恁，也分恁等感受、欣賞著生活个好同壞。

編號 4 號

【擲大索个智慧】徐熏嫻原作

這係盡尾一場个冠亞軍賽！

聽著「砰！」一聲，「殺，殺，12 殺！12 殺！」先生大嫻聲喝，逐個人雙手搭纏大索，身體放低向後背橫，腳紮穩配合喝聲向後背緊箭，手脅下夾核个係力頭，心跳聲在胸脯打鑼鼓，順緊額頭流落來个，係增志想愛贏个汗水。

無想著，對手一抹煞同吾等擢¹過去，第一場个比賽嘎輸撇。毋甘願个心情全寫在面項，想著淨伸一擺个機會，大家个心臟嘖嘖跳，脅項加油个同學乜喊都抽骸另命。先生愛吾等心放在、鼓大氣，聽節奏使力頭，雙腳愛像釘在地泥項，每一步都穩穩箭核成功个影，總算索分吾等擢往轉，有拚第三場个機會。

第三場个銃聲「砰！」又響起，大家尋轉同心協力个信心、共下喝出「殺，殺，12 殺！12 殺！」「一步一步退後，斯係一步一步向前」，這句話乜在吾个耳公脅響起。擢過來又擢過去个大索，斯像一尾趟過來又趟過去个蛇哥，看緊這尾蛇哥硬硬都愛溜過去咧！同學个加油聲緊來緊大聲，親像搵手拉核該條紅索个中

心線，定定又偎過來，過聽著「砰！」一聲，世界嘎像恬撇一秒，跔核个歡喜轟天，分大家暢都跳跔來，慶祝个鼓聲響起。無毋著！吾等擲贏盡尾一場比賽咧！

恁想這學期學校舉辦班對班擲大索比賽，運動埕項輒輒會看著當多班級在該練習。該駁，先生在體育課教大家熟事擲大索个基本規則同技巧，盡記得先生講：「擲大索，毋係比麼人力頭大，係比哪個班級較團結！」這句話，聽跔來當簡單，愛做斯無恁該，為著培養大家團結合作个精神，逐擺練習，有同學个手巴掌起水膘、有同學个腳膝頭鑪都疤疤，無斯跌去四腳惹天哇哇滾。毋過，無人講愛放棄。

這擺比賽珍貴个畫面，做下係吾等向前進个蹤跡。擲緊大索，吾等學習愛仰脅共下來鼓氣，愛仰脅來集中力頭，愛仰脅堅持自家个定位，相信隊友。這毋係後退，係前進，用倒退來換轉成功，共心正使得改變局勢，少一個人都使毋得。

每一場擲大索比賽，毋單淨係體能个輸贏，還較係意志个考驗。吾等用團結合作書寫一場奮鬥个篇章，乜分僱學習著「向後退一步，斯係向前進一大步！」个人生智慧。

¹ 擢：音 dui^ˋ；用力拉扯。

編號 5 號

【搖出味來】林芊慧原作

講著「涼水」，你會想著麼个？佢想大部分个人黏時斯會想著手搖飲料。對佢來講，涼水毋單淨止渴，還較像係一種分人心情放冗、歡喜个細細幸福。毋管係放轉時節同朋友共下買一杯，緊行緊唸緊打嘴鼓，抑係考試考撇愛同自家鼓勵下。一杯涼水，總使得帶分佢好心情。

佢盡中意个涼水係珍珠奶茶。奶茶該種醺醺个味瑞，還有承牙个珍珠，見擺食著，歸日个煩愁斯會毋見撇，噉珍珠該種感覺，毋知仰脣斯係分人試著當滿足。

毋過，學校健康教育課乜輒輒提醒吾等：這下當多涼水糖分做下已高，若係逐日唸涼水，可能會變都肥律律，還會有蛀牙个问题。除撇對佢等个身體毋好，學校先生還提醒會有環保个问题。先生講：「你唸一杯涼水歡喜十分鐘，地球可能愛花幾下十年，正使得分解該兜塑膠杯、封膜、啐筴。尤其當多人還會亂擲，盡尾可能會分海肚个動物食著，嚴重兜還會害厥等死撇。」聽了佢正知：原來佢等逐日唸个一杯涼水，乜囡核恁多問題。

所以，吾等屋家乜開始做一屑改變。比將講，吾姆這下會自

家泡茶、打果汁，還會做仙草凍加牛奶，又萐又康健。這下佢乜會帶自家个環保杯去買涼水，還使得省五個銀呢！

涼水有無共樣个口味，斯像人生共樣。有人中意甜个、有人中意酸个、有人中意醺醺个奶茶、有人中意爽口个冷泡茶。斯像偲等每一個人个人生，無可能單淨斯一種味瑞。有時節係甜个——像係考試打頭名、朋友送你生日禮物；有時節係酸个——像同朋友冤家；有時節係苦个——像考試壓力大。

因為有這兜無共樣个味瑞，人生正有層次、有故事，斯像唸一口略略苦苦个釀茶了後，顛倒會還較珍惜下一口甜甜个奶波。生活肚無可能逐日都順勢，乜無可能日日都快樂，若係偲等肯體會這兜酸甜苦辣，都係偲等成長个一部分。

涼水使得帶分人快樂，毋過偲等絕對乜愛學會選擇對身體好个，對地球友善个，過加愛知好謹¹。斯像人生共樣，毋係追求「越多越好」，係「堵堵好盡好」。

¹ 謹：音 giun^ˆ；節制、控制。

編號 6 號

【 佢係細市長 】周昱原作

還細時節个佢，盡熟事个，毋係哪間補習班抑係才藝班，係鬧熱、有淦淦人情味个夜市。

為著分佢有較好个生活，阿姆日時頭在田項做事，臨暗還愛趕緊去夜市擺攤賣耳鉤、皮包、毛夾這兜。美濃夜市、高樹夜市、六龜夜市……，哪位有人，哪位都有阿姆个身影。阿姆雖然逐日從上從下，毋過佢毋識聽過佢喊苦。佢「齧緊牙根擔得硬，擲緊草根上得崁」个精神，係佢一生人个榜樣。

該下佢正讀國小，阿姆總會駛核厥該臺廂型車來接佢下課。該臺車斯像一個細型个倉庫，裡背尖淦淦貨同鐵架，毋過，阿姆親像魔術師，用厥巧手「變」出一個細空位分佢坐。雖然當極、當歪坐，毋過佢還係會療去緊啄痾，若係佢無睡撇，斯會同阿姆共下落貨、擺攤。當然，有時節佢會詐意睡撇，享受一下「分阿姆惜」个特權。

攤擺好勢，佢會拜託阿姆分佢八十個銀，去買佢盡好食个雞排。行去雞排攤个時節，會順續「巡邏」歸個夜市、「監督」大家有認真做生理無，所以大家都喊佢「夜市个細市長」。涼水攤

个阿姨會攞手喊佢去：「市長，這杯珍珠奶茶請你淋！」賣 QQ 卵个頭家也會熱情講：「阿弟牯，這包拿去同若姆共下食！」該時節个佢，手項拿核食个東西，心肝肚張淦淦快樂同沙鼻。

夜市也係佢第一擺「賺所費」个所在。逐擺隔壁賣香酥雞个頭家，人手毋罇，斯會喊佢去搵手入袋、秤斤兩，做兜簡單个事頭，三點鐘斯賺著三百個銀。對當時細細漢个佢來講，斯像係著著頭獎三百萬个樣，暢去耐毋得。若係頭家無尋佢，佢斯會留在阿姆个攤項搵手招人客、收錢、找錢，順續當臭屁等人客阿腦佢。厥等總係笑笑講：「你除撇毋曉駛車，還有麼个毋會个？」該時節个佢，屎肫既經翹到嫦娥該片去咧。

夜市，毋單淨係佢食夜、挾所費个所在，盡重要个係，該位有佢同阿姆兩子哀快樂个回憶。這下大漢咧，逐擺行入夜市，看著該一盞一盞个電火、一個一個無閒濟借个身影，總會恹起頭擺該站時間、兩子哀个身影——在夜市巡來巡去个細市長、用雙手撐起歸個屋家个阿姆。

編號 7 號

【西瓜錫烏蠅】李怡蘋原作

佢讀小學個時節，逐年暑假爺哀都會載佢去外阿公屋家奈一、兩個月。記得有一擺，阿爸駛車經過西瓜田，佢看著該西瓜一粒一粒在路脣疊去高高，脣頂一埕牌寫緊「一粒 100 箍」，阿姆看著講：「哎哦，仰恁便宜，摘個工錢都毋罈哦！」斯喊阿爸同車停落來，擇一粒大西瓜帶轉外阿公屋家。

到臨暗，天時還係當翕熱，食飽夜過後，大家將就兜幾張凳到大樹下奈涼、打嘴鼓。佢在灶下同外阿婆搵手，同該粒大西瓜破做一嫌一嫌。外阿婆盡惜佢，看吾口涎水都會跌落來咧，斯先切一埕分佢食。哇！沙沙、甜甜又透心涼，還好食哪！佢遽遽同西瓜兜去大樹下，大家一嫌食過又一嫌，食都舐嘴躡鼻。這時節，吾耳公脣聽著「噏——噏——」個聲，原來係一隻烏蠅，怕係分西瓜個甜味錫著，斯在吾脣頂飛上飛下。佢認食西瓜哪有閒情插佢，斯儘採用手拂兩下想愛同佢拂走，無想著過無一下，這毋知死個烏蠅又飛過來噏噏噏噏，實在還得人惱。

人講媼媼乜有一項慶，天生萬物都有厥個優點同用處，像煞猛個糖蜂會採蜜，靚靚個蝶使得分人欣賞，做麼個這烏蠅都無半

點好呢！生來像賊個樣，兩粒目珠仁大大粒，歸身又烏疏疏，淨會滿哪拑滿哪啄，害人屙痢肚。佢輒輒聽著大人講「有人放符誥斯有人收。」斡頭斯問外阿公：「阿公，頭擺個人做下會在屋家畜一隻貓來捉老鼠啊，你講這烏蠅盡驚麼个呢？俚來畜一隻，恁泥斯毋驚烏蠅來作怪咧！」阿爸在脣頂聽著詐意撩佢講：「該俚等……畜一隻蜎蜎好無？」阿姆哀哦！莫講笑哪，一個得人惱，一個又得人驚，半斤八兩無較贏！

佢話都言講煞，該隻烏蠅又飛轉來咧，還拑在西瓜面頂。佢目盯盯看佢飛啊飛，盡尾停在凳頭頂。欸，機會來咧，佢遽遽抄起報紙對準準斯愛打過去……。啊！分佢飛走咧。佢喊阿爸趕緊來搵手，老弟乜興嘟嘟來鬥鬧熱。大家七手八腳，外阿婆看著笑講：「毋使恁無閒，遽遽同西瓜皮收收跣來，莫放在該錫烏蠅較有影哪。」

係哦，臭肉錫烏蠅！佢遽遽同西瓜皮收入垃圾袋肚，過絹都纏纏纏，恁泥這得人惱個烏蠅斯無戲好唱咧。

編號 8 號

【雞卵花】鍾孝昇原作

這駁行過社區个公園，看著雞卵花又開咧。香味隨風飄散，白花黃心，落到石頭路面，斯像一粒粒切開來个燂卵，分人佇毋著頓腳來定定欣賞。

佢跼落來，拈起一蕊正跌落來个雞卵花。佢雖然既經離開樹桎，毋過無綿撇，還係白淨白淨，有陣陣个清香味。這蕊花，黏時斯分佢想起，前幾日學校舉辦个「動福卵」活動。

該日，吾等邀請對龍潭「北一農場」來个劉大姊，分享「友善飼養」个觀念。佢表示：雞若係畜在籠肚，無法度自由行動抑係晒日頭，斯會變都當緊張、三不二時還會破病，生出來个卵，自然斯毋會健康。

佢還講：「臺灣現下正經友善環境畜出來个雞卵，大概正兩成忒等。大部分个雞卵，還係對格籠來个。『友善飼養』，係一種尊重生命个畜動物方式。」

這場活動，毋單淨係分學生了解動物个福利，也感動著家長。有一個阿姆講：「原來逐粒雞卵背後，都有一隻雞嫲快樂抑

係悲情个故事。」下次擺去市場買雞卵，會過較支持「動福卵」。

活動當中，細人還用「動福卵」做卵捲。有一個學生講：「準講雞會笑，佢生出來个卵，定著會還較康健。」聽著這句話，佢試著當感心。家庭教育日，吾等教細人安心食東西个方式，乜教厥等關心生命个方式。

佢又想起舊年，學校同舊个雞埕改做「生命教育園區」个時節，乜試驗辦過一個祈福卡个活動。有一個學生寫：「希望雞嫲使得過幸福个生活。」短短一句話，斯展現出細人對生命个尊重同祝福。這正經斯係吾等做生命教育个目標——教細人對尊重一粒卵開始，了解生命个價值，學會溫柔對待世界萬物。

斯像雞卵花个一生，花開代表出世，花落斯係離別，雖然花落到地泥下，毋過香氣還在。人也共樣，若係一生人對人有愛、做有意義个事，雖然有一日定著會離開，乜會留著分人記得个身影。

看著公園歸地泥个雞卵花，想著佢這幾年為著細人設計个生命教育課程，雖然過程肚，有時節會堵著打擊，毋過，過較多个係感謝。因為佢知：有兜香氣，毋單淨係為著自家留存，還較係有分人記得「送花分人手留香」个用途。